



Հաստատված է

ՀՀ ԳԱԱ ԳԿՄԿ գիտական խորհրդի
«28» նոյեմբերի 2022 թ. թիվ 174 նիստում

ՀՀ ԳԱԱ ԳԿՄԿ տնօրեն

Ա. Սարգսյան



ԿԱՆՈՆԱԿԱՐԳ

ՀՀ ԳԱԱ ԳԻՏԱԿՐԹԱԿԱՆ ՄԻՋԱԶԳԱՅԻՆ ԿԵՆՏՐՈՆՈՒՄ ԴԱՍՎԱՆԴՄԱՆ ՈՐԱԿԻ
ԵՎ ԱՐԴՅՈՒՆԱՎԵՏՈՒԹՅԱՆ ՎԵՐԱԲԵՐՅԱԼ ՈՒՍԱՆՈՂԱԿԱՆ ՀԱՐՑՄԱՆ

(Նոր խմբագրությամբ)

1. Ընդհանուր դրույթներ

1.1. Դասավանդման որակի և արդյունավետության վերաբերյալ ուսանողական հարցման (այսուհետ՝ ուսանողական հարցման) կանոնակարգը սահմանում է ԳԿՄԿ մագիստրանտների կողմից Կենտրոնի պրոֆեսորադասախոսական կազմի դասավանդման որակի և արդյունավետության գնահատման, հարցման անցկացման և արդյունքների օգտագործման կարգը:

1.2. Ուսանողական հարցումն անցկացվում է «Կրթության մասին» ՀՀ օրենքի և ԳԿՄԿ կանոնադրության պահանջների հիման վրա և համարվում է ԳԿՄԿ մագիստրանտների ուսուցման որակն ապահովող գործառնություններին մասնակցելու և պրոֆեսորադասախոսական կազմի գործունեության արդյունավետությունը գնահատելու իրավունքի դրսևորում:

1.3. Կանոնակարգը և դրա փոփոխություններն ու լրացումները հաստատվում են Կենտրոնի գիտական խորհրդի կողմից:

2. Ուսանողական հարցման անցկացումը

2.1. Առկա ուսուցման համակարգում ուսանողական հարցումն իրականացվում է յուրաքանչյուր կիսամյակի քննաշրջանի ավարտից հետո, հեռակա ուսուցման համակարգում՝ նախորդ ուստարվա տվյալների հիման վրա: Ավարտական կուրսերում 2-րդ կիսամյակի վերաբերյալ հարցումն իրականացվում է քննաշրջանի ավարտից հետո՝ մինչև մագիստրոսական թեզի պաշտպանության սկիզբը:

2.2. Ուսանողական հարցումն իրականացվում է ԳԿՄԿ կրթության որակի ապահովման բաժնի կողմից:

2.3. Ուսանողական հարցումն անցկացվում է սույն կանոնակարգին կից գնահատման հարցաթերթով (Հավելված 1), որում ուսանողը 5 միավորից բաղկացած սանդղակով գնահատում է առաջադրված հարցերը կամ առաջարկվող տարբերակների միջոցով արտահայտում է իր կարծիքը:

2.4. Գնահատման արդյունքները ներկայացվում են յուրաքանչյուր դասախոսի (դասընթացի) համար հաշվարկված գնահատականների միջին թվաբանականով¹:

2.5. Ուսանողական հարցումն անանուն է:

2.6. Ուսանողական հարցումն անց է կացվում կրթության որակի ապահովման բաժնի կողմից սահմանված և ամբիոնների կողմից նախապես ներկայացված ժամանակացույցի համաձայն՝ հարցմանը խմբի ուսանողների առնվազն 51%-ի մասնակցության պայմաններում:

2.7. Հարցումն իրականացվում է էլեկտրոնային տարբերակով:

3. Ուսանողական հարցման արդյունքների մշակումը և պահպանումը

3.1. Ուսանողական հարցման արդյունքները մշակվում են ԳԿՄԿ կրթության որակի ապահովման բաժնում:

3.2. Ուսանողական հարցման արդյունքները 5 տարի, իսկ գնահատված հարցաթերթերը 3 տարի պահվում են ԳԿՄԿ էլեկտրոնային բազայում:

4. Ուսանողական հարցման արդյունքների օգտագործումը

4.1. Ուսանողական հարցման արդյունքները կրթության որակի ապահովման բաժնի ներկայացնում է համապատասխան ամբիոն, իսկ յուրաքանչյուր առանձին դասընթացի գնահատման արդյունքները տրամադրվում են համապատասխան դասախոսին՝ էլ փոստով: Ահրաժեշտության դեպքում հարցման արդյունքները ներկայացվում են նաև այլ ստորաբաժանումներ:

4.2. Ուսանողական հարցման արդյունքները քննարկվում են համապատասխան ամբիոնում: Ուսանողների գրավոր կարծիքները քննարկվում են ամբիոնի նիստում: Քննարկման արդյունքում մշակվում են համապատասխան առաջարկություններ և երաշխավորություններ՝ ուղղված դասախոսի դասավանդման որակի բարելավմանը:

¹ Միջին թվաբանականը հաշվարկվում է ըստ առանձին դասընթացների և հարցերի, որի բարձր արժեքը մատնանշում է տվյալ դասախոսի բարձր վարկանիշը հարցման մասնակիցների տվյալ խմբում:

4.3. Ամբիոնի վարիչը պարտավոր է կազմակերպել հարցման արդյունքների քննարկում դասախոսների և ուսանողների շրջանում՝ մեկ ամսվա ընթացքում: Դասախոսն իրավունք ունի ամբիոնի վարիչի ներկայությամբ ծանոթանալու հարցման՝ իրեն վերաբերող կարծիքներին:

4.4. Ուսանողական հարցման անհատական արդյունքները հրապարակվում են միայն տվյալ ամբիոնում:

4.5. Ուսանողական հարցման արդյունքներն օգտագործվում են՝

- աջակցելու դասախոսներին՝ վերլուծելու, զարգացնելու իրենց դասավանդման մոտեցումները և կիրառվող մեթոդներն ու գործիքները,
- դասախոսների պաշտոնակալման, առաջխաղացման և խրախուսման նպատակով:

ՀՀ ԳԱԱ ԳԿՄԿ

ԴԱՍԸՆԹԱՑԻ ԳՆԱՀԱՏՄԱՆ ՀԱՐՑԱԹԵՐԹ

Ամբիոն

Մասնագիտություն (առկա/հեռակա) Կուրս, կիսամյակ

Միրելի՝ ուսանող,

Դուք մասնակցում եք դասավանդման որակի և արդյունավետության վերաբերյալ ԳԿՄԿ Կրթության որակի ապահովման բաժնի կողմից պարբերաբար անցկացվող ուսանողական հարցմանը: Ձեր անկեղծ և օբյեկտիվ գնահատականներն ու կարծիքները կնպաստեն ուսումնական գործընթացի՝ էլ ավելի արդյունավետ կազմակերպմանը: Հարցումն անանուն է և ստացված տվյալները կօգտագործվեն միայն ընդհանրացված տեսքով:

Խնդրում ենք 1-5 բալանոց սանդղակով գնահատել հետևյալ կետերը, որտեղ 1-ը ամենացածր գնահատականն է, իսկ 5-ը՝ ամենաբարձր:

1. Տրամադրում էր անհրաժեշտ ուսումնամեթոդական նյութեր:	1	2	3	4	5	Չի դասավանդել
2. Նյութը մատուցում էր պարզ և հասկանալի:	1	2	3	4	5	Չի դասավանդել
3. Կառավարում էր ժամանակը և արդյունավետ օգտագործում:	1	2	3	4	5	Չի դասավանդել
4. Ուսանողներին հնարավորություն էր տալիս իրեն դիմել լսարանից դուրս՝ դասընթացին առնչվող հարցերով:	1	2	3	4	5	Չի դասավանդել
5. Խրախուսում էր ինքնուրույն աշխատանքը:	1	2	3	4	5	Չի դասավանդել
6. Օբյեկտիվ էր գնահատում ուսանողների գիտելիքները:	1	2	3	4	5	Չի դասավանդել
7. Բարյացակամ էր և հարգալից ուսանողների հանդեպ:	1	2	3	4	5	Չի դասավանդել
8. Դասընթացը հնարավորություն է տվել ձևավորել հետազոտական հմտություններ:	1	2	3	4	5	Չի դասավանդել
9. Ընդհանուր առմամբ որքանով էր օգտակար դասընթացը:	1	2	3	4	5	Չի դասավանդել

10. Որքա՞ն էր ուշանում դասերից.

- Ընդհանրապես չէր ուշանում
- Մինչև 5 րոպե
- 5-15 րոպե
- 15րոպեից ավել
- Դժվարանում եմ պատասխանել
- Չի դասավանդել

11. Կցանկանայի՞ք մասնակցել տվյալ դասախոսի կողմից դասավանդվող մեկ այլ դասընթացի:

- Այո
- Ոչ
- Չի դասավանդել

12. Գնահատե՞ք Ձեր ամբիոնի վարիչի՝ ուսանողների հետ տարվող աշխատանքը:	1	2	3	4	5
13. Գնահատե՞ք Ձեր ուսումնական խորհրդատու (ների)՝ ուսանողների հետ տարվող աշխատանքը:	1	2	3	4	5

Առաջարկություններ և մեկնաբանություններ

Շնորհակալություն հարցմանը մասնակցելու և մեզ աջակցելու համար: